

	<p>Objekt: Leni Jöpen Et Jüppche un de Rüddele</p> <p>Museum: Heimatmuseum Sindorf Digitales Museum 50170 Kerpen 0174 9434873 museum-sindorf@gmx.de</p> <p>Sammlung: Leni Jöpen Sindorfer Mundart</p> <p>Inventarnummer: ST_50007</p>
--	---

Beschreibung

Leni Jöpen | Et Jüppche un de Rüddele

>>> Zum Starten der Tonaufnahme klicken Sie bitte auf das Foto oder auf "Abrufen des Objektes" unter dem Block "Zitieren".

„Jüppche, Zeck för opzeston,
du moss en de Scholl jlich jon.
De Wecker es allt afeloofe,
ich don dich net noch eimol rofe,“
sät de Mamm, klopp op de Dür,
doch Jüppche hät jet anderes vör.
„Ich kann höck net, mir jeit et schläch,
ich han rut Tuppe em Jeseech.
Dr Buch deit wieh un och dr Kopp.
Mamm, höck ston ich janet op.“

Mamm scheck Papp nohm Jüppche luure.
Un Papa deit dä Klein beduure:
„Jüppche, munge ärme Jong,
zeich mer ens janz flöck deng Zong.“
Juppes stipp de Zong erus.
Se sieht zwor janz maneerlich us,
doch Papp meint: „Du moss lijjeblieve.
Met Koppeng kammer doch net schrieve.“
Hä stivvelt flöck de Deck zoräch.
Dann mät Papp sich op dr Wäch.

Jroßvatter kütt op de Söck

zo sengem Klein nu öm de Eck.
„Jüppche, sag, wat häste dann?
Du wors doch jester noch jot dran.
Es dat vielleicht met dir passeert,
weil du an menger Pief probeert
un ich dir ne Schnaps jejobve,
als ich mir eine han jehovve?“
Jüppche meint: „Don bluß nix sage,
söns kütt de Mamm oss an de Krage.“

De Jroß, die kütt nu och eren
un well ens nohm Jüppche sen.
„Och Jüppche, wie siehs du dann us?
Dat dat esu plötzlich komme muss.
De Rüddele sen dat jewess.
Ich putze bluß noch mie Jebess,
dann komme ich zoröck zo dir
un lese dir jet Schönes vör!“ –
„Brenge och jet Schukelädche met,“
sät Jüppche, „denn dat mät mich fit.“

Dä Pitter luurt nu öm de Eck
un röf: „Ich wäde jeck.
Waröm stehs du dann höck net op?
Häste dich wedder ens jeklopp
un häs et Bötzje nu voll Schess,
dat du se höck jeresse kriss?“ –
„Ne, ne,“ sät Jüppche, „süch doch her,
meng Krankheit, die es zemlich schwer.
Komm net ze noh an mich eran,
söns stecke ich dich och noch an.“

Dem Lumpi kütt et komisch vör.
Hä wor noch janet vör de Dür.
Wat es bluß met dem Jüppche loss,
dä brengk en söns doch op de Stroß.
Lumpi lööf zom Bett nu hin.
Wat hät dat Jüppche bluß em Sinn?
Weed dä dann emmer noch net weech?
Hä stupp en hösch en et Jesech.
Dä Lumpi schlapp un leck un leck.
All Tuppe, die jon fott tirek.

Do kütt Marizebell jeloofe.
„Dich wäde ich mer eesch ens koofe.

Du fiese Mömmes, miese Krad,
wat häste dr dobei jedaat,
dä jode Leppestef ze mopse?
Ich bringe dir jetz bei et Hopse,
bröllt et dä kleine Broder an,
„ich well noch höck ene neue han.
Verdamnte Lump, du Lotterbov,
du wees wahl kriije noch deng Strof.“

Et Jüppche schreit: „Du rösich Dier,
wat wellste eijentlich von mir?
Luur he, dä es esu jot wie neu.
Maach mer bluß de Päd net scheu.
Un pinkel dir net en et Hemb.
För deng Schnüss reich dat noch bestemmp!“
De Mamm hört nu dä janze Krach,
jeit op de Jrund jetz ens dä Saach.
Se lieht de Arbeit einfach lijje
un deit sich eesch dat Jüppche kriije.

Voll Wot jeit se nohm Jüppche luure
un trick em eesch ens lang de Uhre.
„Treck dich an, putz dir de Zäng
un setz tirek dich en de Jäng!“ –
„Leev Mama, loss doheim mich blieve,
söns moss ich dat Diktat metschrieve.
Ich han doför doch nix jedon.
Dat weed bestemmp donevvejon,
meint Jüppche kleinlaut un bedröck.
De Mamm de Kochleffel nu zück.

Et Jüppche sprengk am Bett erus.
Bei Mamm hilf keine fuule Schmus.
Plötzlich kütt dann Nohbersch Fränzje
heim us de Scholl met sengem Ränzje.
„Jüppche, Jüppche, Jott sei Dank,
osse Lihrer wor höck krank,
röf Fränzje, „dat Diktat feel us.
Küste jet met mir erus?“
„Ne, ne,“ sät Mamm, „dat jeit höck net,
dat Jüppche, dat es och net fit.“

Grunddaten

Material/Technik:

Mp3-Datei

Maße:

Ereignisse

Aufgenommen	wann	2019
	wer	Leni Jöpen (1940-)
	wo	Kerpen

Schlagworte

- Jüppche
- Leni Jöpen
- Mundart
- Sindorfer Mundart